

(სახელმწიფო შესყიდვების შესახებ საქართველოს კანონის 10<sup>1</sup> მუხლის მე-3 პუნქტის „ი“ ქვეპუნქტის შესაბამისად, საქონლის შესყიდვაზე გამარტივებული შესყიდვის საშუალებით)

ქ. თბილისი

2 ოქტომბერი 2017 წ.

ერთის მხრივ თბილისის სახელმწიფო სამედიცინო უნივერსიტეტი (შემდგომში წოდებული „შემსყიდველად“), წარმოდგენილი კანცლერის, ზურაბ ორჯონიკიძის სახით და მეორეს მხრივ შპს „სიდიტი ტექნოლოგიები“ (შემდგომში წოდებული „მიმწოდებლად“), წარმოდგენილი დირექტორის, გიორგი ზურაბიშვილის სახით, თსსუ-ს პათოლოგიის სასწავლო სამეცნიერო და დიაგნოსტიკური ლაბორატორიის დირექტორის მოადგილის პროფესორ გია ბურკაძის MES 9 17 00923819 განცხადების და ფარმაციის ფაკულტეტის დეკანის დალი ბერაშვილის MES 9 17 00943343 საფუძველზე ვდებთ ამ ხელშეკრულებას შემდეგზე:

**1. ხელშეკრულების საგანი**

1.1. შესყიდვის ობიექტი დანართი N1-ით გათვალისწინებული ლაბორატორიული აღჭურვილობის შექმნა (დანართი N1 წარმოადგენს ხელშეკრულების განუყოფელ ნაწილს).

**2. შესყიდვის ობიექტის მიწოდების წესი და ღირებულება**

2.1. შესყიდვის ობიექტის მიწოდების ვადაა ხელშეკრულების გაფორმებიდან არაუგვიანეს 15 (თხუთმეტი) სამუშაო დღე.

2.2 საქონლის მიწოდების ადგილი: ქ. თბილისი, ვაჟა-ფშაველას გამ N33.

2.3. ხელშეკრულების ღირებულება შეადგენს 7100 (შვიდი ათას ასი) ლარს.

2.4. ხელშეკრულების ღირებულება შეიცავს მიმწოდებლის ყველა ხარჯს, დაკავშირებულს მის მიერ ამ ხელშეკრულებით გათვალისწინებული შესყიდვის ობიექტის მიწოდებასთან, მათ შორის კანონმდებლობით დადგენილ გადასახადებს, მოსაკრებლებს და სხვა.

2.5 ფასების შეცვლა შესაძლებელია მხოლოდ მხარეთა წერილობითი შეთანხმების საფუძველზე საქართველოს კანონმდებლობით გათვალისწინებულ შემთხვევაში.

**3. მიღება-ჩაბარების წესი**

3.1 შესყიდვის ობიექტის მიწოდება დასტურდება მიღება-ჩაბარების აქტით, რომელსაც ხელს აწერენ „შემსყიდველის“ და „მიმწოდებლის“ საამისოდ უფლებამოსილი წარმომადგენლები.

3.2 მიღება-ჩაბარების აქტის გაფორმებასთან ერთად „შემსყიდველს“ წარედგინება ანგარიშსწორებისთვის საჭირო ყველა სხვა დოკუმენტი.

**4. ანგარიშსწორება მხარეთა შორის**

4.1. ანგარიშსწორება მხარეთა შორის ხორციელდება უნაღდო ანგარიშსწორების გზით, შესყიდვის ობიექტის მოწოდების შესახებ მიღება-ჩაბარების აქტის ხელმოწერიდან 15 (თხუთმეტი) სამუშაო დღის განმავლობაში.

4.2 ანგარიშსწორება „შემსყიდველის“ მიერ განხორციელდება ანგარიშსწორებისთვის საჭირო ყველა სხვა დოკუმენტის და მიღება-ჩაბარების აქტის საფუძველზე.

**5. მხარეთა უფლება-მოვალეობანი**

5.1. შემსყიდველი იღებს ვალდებულებას:

5.1.2. უზრუნველყოს მიწოდებული საქონლის ღირებულების დროული გადარიცხვა მიმწოდებლის საბანკო ანგარიშზე.

5.1.3 შემსყიდველი უფლებამოსილია განაცხადოს უარი უხარისხო შესყიდვის ობიექტის მიღებაზე.

5.2. მიმწოდებელი ვალდებულია:

5.2.1. პასუხი აგოს მიწოდებული საქონლის ხარისხზე.

5.2.2 მიმწოდებელი ვალდებულია მიაწოდოს შემსყიდველს უფლებრივად უნაკლო შესყიდვის ობიექტი.

5.2.3 უზრუნველყოს საქონლის მიწოდება დადგენილი პირობების შესაბამისად.

**6. მხარეთა პასუხისმგებლობა**

6.1 ხელშეკრულებით გათვალისწინებული ვალდებულების შეუსრულებლობის შემთხვევაში, დამრღვევ მხარეს ეკისრება პირგასამტეხლოს გადახდა, სახელშეკრულებო ღირებულების 10% -ის ოდენობით.

6.2. ხელშეკრულებით გათვალისწინებული ვალდებულების შესრულების ვადების გადაცდენის შემთხვევაში მიმწოდებელს ეკისრება საურავი ყოველ ვადაგადაცილებულ დღეზე ხელშეკრულების ღირებულების 0,1%-ის ოდენობით, მაგრამ არანაკლებ 10 (ათი) ლარისა.

6.3. საჯარიმო სანქცია არ ათავისუფლებს მიმწოდებელსა და შემსყიდველს ძირითადი ვალდებულებების შესრულებისაგან.



## 7. ფორს-მაჟორი

7.1. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი.

7.2. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუზიაროს მეორე მხარეს წერილობითი შეტყობინება ასეთი გარემოებების და მათი გამოძვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

## 8. ხელშეკრულებაში ცვლილებების შეტანა

8.1. ხელშეკრულების დამდებ არც ერთი მხარეს არა აქვს უფლება ცალმხრივად შეცვალოს ხელშეკრულების პირობები.

8.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომელთა გამოც წარმოიშვა ხელშეკრულების პირობების შეცვლის აუცილებლობა.

8.3. ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, რომელიც ჩაითვლება ხელშეკრულების განუყოფელ ნაწილად.

## 9. ხელშეკრულების შესრულების კონტროლი

9.1. სახელმწიფო შესყიდვის შესახებ ამ ხელშეკრულებით გათვალისწინებული საქონლის მიწოდებაზე კონტროლს განახორციელებს შესაბამისი სტრუქტურული ერთეული.

## 10. დამატებითი პირობები

10.1. ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2017 წლის 31 დეკემბრის ჩათვლით.

10.2. წინამდებარე ხელშეკრულების მოქმედების მთელი პერიოდის განმავლობაში არც ერთ მხარეს არ აქვს უფლება მეორე მხარისაგან წერილობითი თანხმობის გარეშე თავისი უფლებები და ვალდებულებები გაასხვისოს ან გადასცეს მესამე პირს.

10.3. წინამდებარე ხელშეკრულების მოშლა შესაძლებელია, თუ ერთ-ერთი მხარე არღვევს წინამდებარე ხელშეკრულებით გათვალისწინებულ პირობებს და ზიანს აყენებს მეორე მხარეს.

10.4. ხელშეკრულებაში დამატებების და/ან ცვლილებების შეტანა შესაძლებელია ორივე მხარის წერილობითი თანხმობით.

10.5. ხელშეკრულება შედგენილია ქართულ ენაზე ორ ეგზემპლარად და ორივე ეგზემპლარს აქვს თანაბარი იურიდიული ძალა.

## 11. დავათა განხილვის წესი

11.1. მხარეები შეეცდებიან ურთიერთმოლაპარაკების საფუძველზე გადაჭრან დავები. იმ შემთხვევაში, თუ ისინი ვერ გადაჭრიან დავას, იგი განიხილება სასამართლოს მიერ.

## 12. მხარეთა იურიდიული მისამართები და საბანკო რეკვიზიტები

“შემსყიდველი”

თბილისის სახელმწიფო სამედიცინო  
უნივერსიტეტი  
ქ. თბილისი, ვაჟა ფშაველას გამზ. №33  
საიდენტიფიკაციო კოდი 211328703  
სახელმწიფო ხაზინა, კოდი TRESGE22  
ა/ა GE24NB 0330100200165022

“მიმწოდებელი”

შპს „სიდითი ტექნოლოგიები“  
იურიდ. მის: ქ. თბილისი, ვაკე-საბურთალოს რაიონი, ლ.  
გოთუას ქ. N16 ბ.13;  
საიდენტიფიკაციო ნომერი 405148031  
სს „თბილისი ბანკი“ კოდი TBCGE22  
ა/ა GE74TB7458236080100005

თსუს კანცლერი  
ზურაბ ორჯონიძე



შპს „სიდითი ტექნოლოგიები“-ს დირექტორი  
გიორგი ზურაბიშვილი





N	დასახელება	ზუსტი მოდელი	სპეციფიკაცია	განზომილება	რაოდენობა	ერთეულის ღირებულება	საერთო ღირებულება
1	ლაბორატორიული სასწორი	TL-series	მაქსიმალური ზღვარი 50გრ. მინიმალური 0,0001გრ. ლაბორატორიული დანიშნულების კომპაქტური; საჭირო აქსესუარებით: მინი სურა; პინცეტი წივთის მოსათავსებლად;	ცალი	20	350	7000
2	ლაბორატორიული სასწორი		მაქსიმალური ზღვარი 10კგ; ლაბორატორიული დანიშნულების თანმდევით აქსესუარებით; ლაბორატორიულ მაგიდაზე მოთავსების შესაძლებლობით;	ცალი	1	100	100
სულ:							7100

თსსუ-ს კანცლერი  
ზურაბ ორჯონიძე



შპს „სიდითი ტექნოლოჯის“-ს დირექტორი  
გიორგი ზურაბიშვილი

